



საქართველო
ლანჩხუთის მუნიციპალიტეტის
საკრებულო



N 78
10/08/2018

78-07-4-201808101409



ლანჩხუთის მუნიციპალიტეტის საკრებულოს
განკარგულება №78
2018 წლის 10 აგვისტო
ქ. ლანჩხუთი

**ლანჩხუთის მუნიციპალიტეტის ტერიტორიაზე საარჩევნო სააგიტაციო მასალების
განთავსების რეგულირების შესახებ**

საქართველოს ორგანული კანონის „ადგილობრივი თვითმმართველობის კოდექსი“ 61-ე მუხლის პირველი და მეორე ნაწილებისა და საქართველოს ორგანული კანონის „საქართველოს საარჩევნო კოდექსი“ 46-ე მუხლის შესაბამისად,

მუხლი 1. გამოიყოს ლანჩხუთის მუნიციპალიტეტის ტერიტორიაზე საარჩევნო სააგიტაციო მასალების განთავსების ადგილები დანართის შესაბამისად.

მუხლი 2. ამ განკარგულების პირველი მუხლით დამტკიცებული დანართით განსაზღვრული ლანჩხუთის მუნიციპალიტეტის საკუთრებაში არსებული ობიექტების გარდა საარჩევნო სააგიტაციო მასალები შეიძლება გამოიფინოს სხვა ობიექტებზე მათი მესაკუთრების ან მფლობელების თანხმობის შემთხვევაში.

მუხლი 3. საარჩევნო სააგიტაციო მასალების განთავსება აკრძალულია ლანჩხუთის მუნიციპალიტეტის ტერიტორიაზე მდებარე საბავშვო ბაღების შენობა-ნაგებობებზე, საკულტო ნაგებობებზე, კულტურული მემკვიდრეობის შენობა-ნაგებობებზე, პოლიციის, სასამართლოს, სახელმწიფო ხელისუფლებისა და ადგილობრივი თვითმმართველობის ორგანოს შენობების ინტერიერსა და ექსტერიერში, ა(ა)იპ-ების შენობა-ნაგებობებზე, საგზაო ნიშნებზე.

მუხლი 4.

1. ამ განკარგულების პირველი მუხლით დამტკიცებული დანართით გათვალისწინებულ ადგილებში, საარჩევნო სუბიექტებმა უზრუნველყონ საკუთარი სააგიტაციო მასალების გამოკვრა და გამოფენა იმ ფორმით, რომ დაცული იქნეს წინასაარჩევნო კამპანიაში (აგიტაციაში) მონაწილე ყველა საარჩევნო სუბიექტის თანაბარი შესაძლებლობა, ისარგებლოს სააგიტაციო მასალის გასაკრავად და გამოსაფენად განკუთვნილი ადგილ(ებ)ით.

2. ამ განკარგულების პირველი მუხლით დამტკიცებული დანართით გათვალისწინებულ ადგილებში, საარჩევნო სუბიექტის მიერ გასაკრავი საარჩევნო

პლაკატების მაქსიმალური რაოდენობა დგინდება შესაბამისი ადგილის ფართობის გათვალისწინებით.

3. ამ განკარგულების პირველი მუხლით დამტკიცებული დანართით გათვალისწინებულ ადგილებში, საარჩევნო სუბიექტს უფლება აქვს გააკრას საარჩევნო პლაკატი შემდეგი ზომებით: სიგრძე-არა უმეტეს 60სმ. სიგანე-არაუმეტეს 42 სმ (A2 ფორმატი).

4. ამ მუხლის პირველი, მე-2 და მე-3 პუნქტების გათვალისწინებით:

ა) სკვერში არსებულ მწვანე ნარგავებზე თითოეულ საარჩევნო სუბიექტს უფლება აქვს გააკრას ერთი პლაკატი ერთ ნარგავზე;

ბ) გარე განათების ბოძზე თითოეულ საარჩევნო სუბიექტს უფლება აქვს გააკრას ერთი პლაკატი;

გ) მოსაცდელებზე თითოეულ საარჩევნო სუბიექტს უფლება აქვს გააკრას არაუმეტეს ორი ცალი პლაკატი.

მუხლი 5. დაევალოს ლანჩხუთის მუნიციპალიტეტის საკრებულოს აპარატს უზრუნველყოს ლანჩხუთის მუნიციპალიტეტის ტერიტორიაზე საარჩევნო სააგიტაციო მასალების განთავსების რეგულირების შესახებ ინფორმაციის კანონმდებლობით დადგენილი წესით გამოქვეყნება.

მუხლი 6. განკარგულება შეიძლება გასაჩივრდეს ოზურგეთის რაიონულ სასამართლოში, მისამართზე ქ. ოზურგეთი, ი. სიორიძის ქ. N14 მისი ამოქმედებიდან ერთი თვის ვადაში საქართველოს კანონის „საქართველოს ადმინისტრაციული საპროცესო კოდექსი“ მე-8 თავის 22-ე მუხლის მე-3 ნაწილის შესაბამისად.

მუხლი 7. განკარგულება ძალაშია გამოქვეყნებისთანავე.

ბესიკ ტაბიძე
საკრებულოს თავმჯდომარე
ლანჩხუთის მუნიციპალიტეტის საკრებულო

დანართი

ლანჩხუთის მუნიციპალიტეტის ტერიტორიაზე საარჩევნო სააგიტაციო მასალების განთავსების
ადგილები

N	მისამართი	დანიშნულება	საკადასტრო კოდი	შენიშვნა
1	ქ.ლანჩხუთი, ქორდანიას ქ. (თეატრიდან, კაფე "თავადურამდე")	სკვერი	27.06.56.014	
2	ქ.ლანჩხუთი, ქორდანიას ქ. (ქორდანიას და კვირკველიას ქ. კვეთა)	სკვერი	27.06.51.029	
3	ქ.ლანჩხუთი, ქორდანიას ქ. (სუპერმარკეტის "ნიკასა" და "მარგის"წინ)	სკვერი	27.06.51.010	
4	ქ.ლანჩხუთი, ქორდანიას ქ. (მერიის წინ მდებარე სკვერი)	სკვერი	27.06.52.008	
5	ქ.ლანჩხუთი, ქორდანიას ქ. (ცენტრალური სკვერი)	სკვერი	27.06.52.009	
6	ქ.ლანჩხუთი, ქორდანიას ქ. (ქორდანიასა და კვირკველიას ქ. კვეთა)	სკვერი	27.06.52.028	
7	ქ.ლანჩხუთი, ქორდანიას ქ. (ყოფილი "უნივერმარის" მიმდებარედ)	სკვერი	27.06.51.006	
8	გვიმბალაური (ბენზინგასამართ სადგურ "სოკარის" მიმდებარედ)	სკვერი	27.08.47.006	
9	შუბუთი (ყოფილი კულტურის სახლის მიმდებარედ)	სკვერი	27.05.46.023	
10	აცანა (საჯარო სკოლის მიმდებარედ)	სკვერი	27.02.44.003	

2.3.

11	ჩიბათი (საჯარო სკოლის პირდაპირ)	სკვერი	27.09.50.011	
12	ლანჩხუთის მუნიციპალიტეტის ტერიტორიაზე	მუნიციპალურ საკუთრებაში არსებული მოსაცდელი		
13	ლანჩხუთის მუნიციპალიტეტის ტერიტორიაზე	მუნიციპალურ საკუთრებაში არსებული გარე განათების ბოძები		

2. ვ. ვ.